



COMUNU DE CABUDERRA

Tzitadi Metropolitana de Casteddu

DELIBERATZIONI DE SA GIUNTA COMUNALI N. 5 DE SU 18/01/2023

OGETU: PATROTZÌNIU A INDONU PO EVENTU CULTURALI CUN DIBATU IN DOMU MELIS PO S' ASSÒTZIU "CHILENOS DE SARDINIA".

S' annu 2023, s' 18 de su mesi di Gennàrgiu a ora de is 13.00, in sa residèntzia comunali, cunvocada a manera amesturada presèntzia/videocunferèntzia cunforma a su Regulamentu Comunali po sa modalidadi telemàtica, s' est atobiada sa Giunta Comunali cun is personis chi s'ghint:

Nòmini e Sangunau

Beniamino Garau
Dessi Donatella
Frongia Pietro
Montis Giovanni
Sorgia Silvia
Solinas Marco
Garone Katiuscia

Càrriga

Sìndigu
Assessori
Assessori
Assessori
Assessori
Assessori
Assessori

Presenti

Eja
Eja
Eja
Eja
Eja
Eja
Eja

Presentis: 7

Ausentis: 0

Pigat parti a sa setziada su Segretàriu Generali Sa Dotora Felicina Deplano.

Su Sìndigu, Beniamino Garau, ndi liat sa presidèntzia e de chi at averiguau su nùmeru de is presentis, decrarat aberta s' adunàntzia.

SA GIUNTA COMUNALI

Postu chi:

- cun annotadura arricida de sa Prìsia Generali de custu Enti cun Nùmeru 1663 de su 12.01.2023, su Senn. Zucca Giorgio, in calidadi de Rapresentanti Legali de s' Assòtziu Chilenos De Sardigna, at pediu su Patrotzìniu de su Comunu de Cabuderra po s' Atòbiu – Dibatu Culturali e Sotziali che a Cumbènniu-Cungressu Mi Lado Gay, de si fai in Cabuderra in sa Sedi Istitutzionali e de Rappresentàntzia de Domu Melis, Sàbudu 21 de Gennàrgiu 2023 a ora de is 10:30;
- su Progetu Eventu est de importu mannu po su chi pertocat s' elementu Sotziali e Culturali e po su chi spetat is Diritus de Fundamentu de sa Personi;

Cunsiderau chi est iniziativa de primori e finas sena de scopu de lucru;

Liau a cunsideru su Regulamentu Comunali aprovau cun Deliberatzioni de su Consillu Comunali n. 31 de su 29/04/2022;

Pigau atu ca s' art.2 de su Regulamentu previdit "Su Patrotzìniu est un' atu autònomu cunforma a àteras formas de interventu comunali, che a cuntzessionis de salas, de struturas, de contributus, e sa cuntzessioni sua est sceti de cumpetèntzia de sa Giunta Comunali chi ddu cuntzedit cun una Deliberatzioni";

Torrada sceda a favori a s' Assòtziu Chilenos De Sardigna;

Arriciu parri a favori po su chi spetat sa regularidadi tècnica, cunfrorma a s'art. 49, puntu 1, de su D.Lgs. n. 267/2000, de su Responsàbili de su Setori;

Pigau atu chi segundu s' art. 49 de su D.Lgs. n.267/2000, po custu provedimentu no serbit parri contàbili ca no ocasionat mudamentus diretus o indiretus asuba de sa situatzioni econòmica - finantziària o asuba de sa sienda de s' enti;

Cun votatzioni a totòmini segundu sa lei,

DELÌBERAT

De cuntzèdiri su Patrotzìniu a indonu a favori de s' Assòtziu Chilenos De Sardigna po su chi pertocat s' Atòbiu Culturali – Dibatu – Eventu/Cungressu/Cumbènniu e Manifestatzioni Culturali e Sotziali Mi Lado Gay, chi s' at a fai in Cabuderra in sa Sedi Istitutzionali e de Rapresentàntzia de Domu Melis su 21 de gennàrgiu, sàbudu, a ora de is 10:30;

De autorizai s' impreu de su Stema de su Comunu de Cabuderra, in cunformidadi a su chi previdit s' art. 10 de su Regulamentu Comunali po sa cuntzessioni de su Patrotzìniu, aprovau cun Delibera C.C. n. 31/2022;

De si riservai su diritu de rèvoça de su Patrotzìniu cuntzèdiu a s' iniziativa in s' in casu de cunditziunis prevìdias de s' artìculu 13 de su Regulamentu arremonau;

De donai atu chi sa cuntzessioni de custu patrotzìniu no ndi bogat òbligu perunu a is organizadoris, prevìdius de is leis e/o regulamentus pertocantis is atividadis cun patrotzìniu;

Sa cuntzessioni de su Patrotzìniu no est un' autorizazioni a s' imperu de struturas comunalis o a s' ocupazioni de àrea pùblica chi depint essi pedidas cunforma a is dispositzioni in vigèntzia;

De donai atu chi custu provedimentu no ocasionat gastus a càrrigu de su Comunu de Cabuderra;

De donai atu chi cun votazioni a parti si deccarat in vigèntzia custa deliberazioni, cunforma a s'art. 134, puntu 4, de su D.Lgs. 18 de austu 2000, n. 267.
